


Հաստատված է ԱՊԷՔ
մանկխորհրդի նիստում
նախագահ, տնօրեն



<<ԱԲՈՎՅԱՆԻ ՊԵՏԱԿԱՆ ԷՆԵՐԳԵՏԻԿԱԿԱՆ ՔՈԼԵՋ>> ՊՈԱԿ-Ի
ՈՒՍԱՆՈՂԱԿԱՆ ԽՈՐՀՐԴԻ

ԿԱՆՈՆԱԴՐՈՒԹՅՈՒՆ

ԱՊԷՔ ՈՒսանողական
խորհրդի նախագահ 

Ա. Ընդհանուր դրույթներ

1. <<Արովյանի պետական էներգետիկական քոլեջ>>-ի ուսանողական խորհուրդը ուսանողական ինքնակառավարման ընտրովի ներկայացուցչական մարմին է:
2. Ուսանողական խորհրդի լիազորությունները և գործունեության կարգը ՀՀ օրենսդրությանը և ենթաօրենսդրական ակտերին համապատասխան սահմանվում է քոլեջի կանոնադրությամբ, քոլեջի ղեկավար մարմինների որոշումներով և սույն կանոնադրությամբ:
3. Ուսանողական խորհուրդը ապահովում է ուսանողական ինքնավարության և ուսանողական ինքնակառավարման գործընթացները քոլեջի ողջ ուսանողության շրջանում, արտահայտում և պաշտպանում է ուսանողության և հետդիպլոմային ուսուցում անցնող շրջանավարտների շահերի, նպաստում նրանց հասարակական, գիտական, ինտելեկտուալ, ստեղծագործական, մշակութային, բարոյական և հոգևոր զազացմանը, ստեղծում կապեր ՀՀ և արտերկրի բուհերի, գիտական, կրթական և այլ կազմակերպությունների հետ:
4. Ուսանողական խորհուրդն ունի իր խորհրդանիշը, որի տեսքը հաստատվում է ուսանողական նիստի կողմից, անդամների ընդհանուր թվի 2/3- ով:
5. ՀՀ օրենսդրությամբ սահմանված կարգով ուսանողական խորհուրդը զբաղվում է հրատարակչական գործունեությամբ, կարող է հրապարակել ամսագրեր, պարբերականներ և այլն:
6. Քոլեջի ղեկավար մարմինների, նրանց ստորաբաժանումների, քոլեջում գործող, ինչպես նաև արտաքոլեջային գիտական, կրթական, մշակութային, հոգևոր, բարեգործական և այլ կազմակերպությունների, պետական մարմինների և ֆիզիկական անձանց հետ ուսանողական խորհուրդն հարաբերությունները կառուցում է քոլեջի սույն կանոնադրության, կամ կնքված պայմանագրերի հիման վրա:
7. Ուսանողական խորհրդի կողմից կնքված պայմանագրերը ՀՀ օրենսդրությամբ սահմանված կարգով օրինական ուժ են ձեռք բերում քոլեջի տնօրենի կողմից վավերացվելուց և քոլեջի կնիքով կնքվելուց հետո:

Բ. Նպատակները, խնդիրները

1. Ուսանողական խորհուրդն ապահովում է քոլեջում ուսանողական ինքնակառավարման և ուսանողական ինքնավարության գործընթացների ծավալումն ու զարգացումը, նպաստում ուսանողության և հետդիպլոմային ուսուցում անցնող շրջանավարտների իրավունքների և պարտականությունների նորմալ և անթերի կատարմանը:
2. Մասնակցում ուսումնակրթական գործընթացների, ուսումնանդաստիարակչական աշխատանքների, ուսանողական գիտական գործունեության կազմակերպմանը:
3. Նպաստում ուսանողության ստեղծագործական, ինտելեկտուալ, մշակույթային և հոգևոր զարգացմանը, ուսանողության առօրյայի, հանգստի և ազատ ժամանացի կազմակերպմանը:
4. Հաստատում կապեր և գործնական փոխհարաբերություններ ՀՀ և արտերկրի շինարարական, գիտական, ուսանողական, երիտասարդական, կրթական, մշակույթային և այլ կազմակերպությունների հետ:
5. Հնարավորության դեպքում իրականացնում սոցիալական և բարեգործական նշանակության ծրագրեր, նպաստում ուսանողների սոցիալական և կենցաղային պայմանների բարելավմանը:
6. Ուսանողական խորհուրդը մշակում և քոլեջի ղեկավար մարմիններին է ներկայացնում ուսանողական կյանքին և ուսումնակրթական գործընթացներին առնչվող հարցեր, տարբեր որոշումների նախագծեր և նպաստում դրանց ընդունմանն ու հետևողական իրականացմանը:

Գ. Կառուցվածքը, գործունեությունը

1. Ուսանողական խորհուրդն ձևավորում է ներկայացուցչական ընտրությունների սկզբունքով: Յուրաքանչյուր կուրս ուսանողական խորհրդում ունի երկու անդամ ունենալու իրավունք: Ուսանողական խորհրդի անդամներ առաջադրվում են կուրսերում: Ընտրված է համարվում այն թեկնածուն, որի օգտին քվեարկել են առավել շատ թվով ուսանողներ:
2. Կուրսային ուսանողական խորհրդի նախագահ է ընտրվում քոլեջի ուսանողների առաջարկությամբ և ուսանողական խորհրդի անդամների համաձայնությամբ:

3. Կուրսի կողմից առաջին անգամ ընտրված ուսանողական խորհրդի անդամի լիազորությունների ժամկետը մեկ տարի է:
4. Ուսանողական խորհրդի անդամների իրավունքներն ու պարտականությունները սահմանվում են ուսանողական խորհրդի նիստի կողմից հաստատված ուսանողական խորհրդի անդամների իրավունքների և պարտականությունների մասին կանոնակարգով:
5. Ուսանողական խորհրդի անդամի լիազորությունները կարող են վաղաժամկետ դադարեցվել հետևյալ դեպքում.
 - Նախագահության որոշմամբ նիստերից, ժողովներից պարբերաբար բացակայության, կարգապահական խախտումների և քոլեջի կանոնադրությամբ սահմանված ուսանողի պարտականությունները չկատարման դեպքում:
 - Քոլեջից հեռացվելու կամ դուրս մնալու դեպքում: Այս դեպքում քոլեջում ուսանողի իրավունքները վերականգնվելուց հետո, վեջինս չի կարող կրկին ընտրվել ուսանողական խորհրդի կազմում:
 - Անձնական դիմումի համաձայն :
6. Ուսանողական խորհրդի ղեկավար մարմիններն են.
 - Նախագահ
 - Փոխնախագահներ
 - Գլխավոր քարտուղար
 - Մշտական գործող կառուցվածքային հանձնաժողովներ
7. Ուսանողական խորհրդի նիստերը հրավիրվում են ամիսը մեկ անգամ: Արտահերթ հրավիրվում են նախագահության որոշմամբ, նախագահի որոշմամբ կամ ուսանողական խորհրդի անդամների 1/3-ի պահանջով: Նիստերն անցակցնելու համար անհրաժեշտ է անդամների ընդհանուր թվի կեսից ավելի մասնակցությունը: Որոշումները ընդունվում են, եթե կողմ են քվեարկել ներկաների կեսից ավելին: Կանոնադրությունը և կանոնադրական փոփոխությունները հաստատվում են անդամների ընդհանուր թվի առնվազն 2/3-ով:
8. Ուսանողական խորհրդի նիստերը`
 - հաստատում է ուսանողական խորհրդի կանոնադրությունը և նրանում կատարում փոփոխություններ, որոնք այնուհետև հաստատվում են քոլեջի

տնօրենի կողմից: Կանոնադրական փոփոխությունների մասին առաջարկությունները խորհրդարանի նիստի քննարկմանը ներկայացվում են նախագահության կողմից կամ նվազագույն տասը անդամների գրավոր ներկայացմամբ:

- Ընտրում է ուսանողական խորհրդի նախագահություն:
- Հաստատում է ուսանողական խորհրդի գործունեության տարեկան աշխատանքային պլանը, ստորաբաժանումների և այլ կառուցվածքային մարմինների կանոնակարգերը ու աշխատակարգերը:
- Հաստատում ուսանողական խորհրդի աշխատակարգը, քննարկում կանոնադրական վերահսկողության հետ կապված հարցեր:
- Լսում և քննարկում է ուսանողական խորհրդի նախագահի, հանձնաժողովների կուրսերի ուսանողական խորհուրդների, ուսանողական խորհրդի կառուցվածքային ստորաբաժանումների և մարմինների տարեկան հաշվետվությունը:
- Լսում և քննարկում է նախագահության, հանձնաժողովների, կուրսերի ուսանողական խորհուրդների, ուսանողական խորհրդի կառուցվածքային ստորաբաժանումների և մարմինների կողմից ներկայացված հարցերը:
- Լսում է ֆինանսական գործունեության մասին հաշվետվությունները և հաստատում դրանք:
- Հստատում կամ չեղյալ է համարում ուսանողական խորհրդի անունից կնքված պայմանագրերն ու մյուս փաստաթղթերը, և սահմանված կարգով ներկայացնում քոլեջի տնօրենի վավերացմանը:
- Քննարկում է ուսանողական խորհրդի գործունեությանը առնչվող այլ հարցեր և ընդունում համապատասխան որոշումներ:

9. Ուսանողական խորհրդի նիստերի միջև ընկած ժամանակահատվածում աշխատանքները կազմակերպում և ղեկավարում է ուսանողական խորհրդի նախագահը, որն ընտրվում է ուսանողական խորհրդի կողմից բաց քվեարկությամբ: Նախագահն ընտրված է համարվում, եթե նրա օգտին քվեարկել են ուսանողական խորհրդի անդամների կեսից ավելին: Նախագահության մյուս անդամներն ընտրվում են նախագահի առաջարկով:

10. Ուսանողական խորհրդի նախագահի պաշտոնական ժամկետի ավարտից կամ վաղադրությունների վաղաժամկետ դադարումից հետո նախագահության վաղադրությունները համարվում են ավարտված: Ուսանողական խորհրդի նախագահ ընտրվելուց կամ վերընտրվելուց հետո սույն կանոնադրությամբ նախատեսված կարգով տեղի է ունենում նախագահության ընտրություն:
11. Նախագահության կազմի կամ առանձին անդամների հետ կանչելն իրականացվում է ընտրությամբ նախատեսված կարգով, կամ իրենց դիմումի համաձայն՝ որը հաստատվում է ուսանողական խորհրդի նիստի կողմից:
12. Նախագահությունն աշխատանքային նիստեր է գումարում շաբաթը մեկ անգամ: Նիստերն իրավագոր են, եթե մասնակցում են անդամների կեսից ավելին: Արտահերթ նիստեր հրավիրվում են նախագահի որոշմամբ, կամ նախագահության անդամների 1/3-ի պահանջով: Որոշումներն ընդունվում են ներկաների մայրերի մեծամասնությամբ:
13. Նախագահությունը՝
- քննարկում է խորհրդարանի նիստերի օրակարգը, նախապատրաստում դրանց անցկացումը, մշակում խորհրդարանի նիստերի կողմից ընդունված որոշումները կենսագործելու ձևեր և մեխանիզմներ:
 - Խորհրդարանի նիստի քննարկմանը ներկայացնում կանոնադրական փոփոխություններ կատարելու մասին առաջարկներ:
 - Կազմակերպում խորհրդարանի ընթացիկ աշխատանքները:
 - Քննարկում հանձնաժողովների, կուրսերի ուսանողական խորհուրդների, ուսանողական խորհուրդի մյուս կառուցվածքային ստորաբաժանումների ու մարմինների գործունեության հետ կապված հարցեր, հաստատում դրանց աշխատանքային պլաններն ու մյուս փաստաթղթերը:
 - Լսում և քննարկում է հանձնաժողովների, կուրսերի, ուսանողական խորհուրդների, ուսանողական խորհրդի մյուս կառուցվածքային ստորաբաժանումների ու մարմինների, ինչպես նաև ուսանողական խորհրդի անդամների կողմից ներկայացված հարցերն, առաջարկներն ու աշխատանքային ծրագրերը:

- > Լսում և քննարկում հանձնաժողովների, կուրսերի ուսանողական խորհուրդների, ուսանողական խորհրդի մյուս կառուցվածքային ստորաբաժանումների ու մարմինների ընթացիկ գործունեության սին` հաշվետվություններ, գրառումներ և դրանց գնահատում:
- > Անփոփելով ուսանողական խորհրդի նիստի հաստատմանն է ներկայացնում ուսանողական խորհուրդի գործունեության տարեկան աշխատանքային պլանը, որի նախագիծը կազմավորվում է հանձնաժողովների կուրսերի ուսանողական խորհուրդների, ուսանողական խորհուրդի մյուս ստորաբաժանումների ու մարմինների կողմից ներկայացված աշխատանքային պլանների համակարգված և հստակեցված միասնական փաթեթի
- > Տալիս հանձնարարականներ, քննարկում նախագահության գործունեության առնչվող այլ հարցեր, ընդունում համապատասխան որոշումներ:

Նախագահության անդամներն են՝

Նախագահը, որը ղեկավարում է ուսանողական խորհրդի աշխատանքները, ղեկավարում ուսանողական խորհրդի և նախագահության նիստերը, ստորագրում և ընդունում որոշումները, ներկայացնում ուսանողական խորհուրդը քոլեջի մարմիններին մարմիններում և քոլեջից դուրս փոխհարաբերություններում ընդունում որոշումներ, տալիս հանձնարարականներ, կարգադրություններ, կազմավորում խորհրդակցություններ, իրականացնում ընդհանուր վերահսկողություն, տնօրինում ուսանողական խորհրդի ֆինանսական միջոցները, ուսանողական խորհրդում հանդես գալիս նախագահության գործունեության մասին պատասխանատվային հաշվետվությամբ, իրականացնում սահմանված կարգով իրեն վերապահված այլ լիազորություններ:

Փոխնախագահը, որը նախագահի բացակայության դեպքում փոխարինում է նախագահին, կազմակերպում է կուրսերի խորհուրդների աշխատանքները, կատարում ընդհանուր կազմակերպչական աշխատանքներ:

Բարձրագույնը, որը կազմակերպում է խորհրդարանի փաստաթղթային գործառնությունները, տնօրինում արխիվը, համակարգում աշխատանքային խմբերի և կառուցվածքային այլ ստորաբաժանումների գործունեությունը, կատարում կազմակերպչական աշխատանքներ:

Ուսանողական գիտական ընկերության / ուսանողական խորհրդի առանձնացված կառուցվածքային ստորաբաժանում / նախագահ, որը կազմակերպում և ղեկավարում է ուսանողական գիտական ընկերության աշխատանքները:

Հանձնաժողովի նախագահներ, որոնք կազմակերպում և ղեկավարում են համաժողովների աշխատանքները:

15. Ուսանողական խորհրդում ընդհանուր գործունեություն իրականացնելու նպատակով սույն կանոնադրության 20-րդ ա/ ենթակետին համապատասխան որպես մշտական գործող ստորաբաժանումներ, գործում են երեք հանձնաժողովներ՝ ուսումնական, մշակութային և ազատ ժամանցի, լրատվության և տեղեկատվության:

Ֆինանսական միջոցները, լուծարումը

16. Ուսանողական խորհուրդն անվճար օգտվում է քոլեջի տարածքային, գույքային միջոցներից և նյութատեխնիկական սպասարկումից: Նրա ֆինանսական միջոցները գոյանում են քոլեջի բյուջեից կամ արտաբյուջետային միջոցներից կատարվող տարեկան սահմանումներից, դրամաշնորհներից, նվիրատվություններից, հանգանակություններից, ինչպես նաև ՀՀ օրենսդրությամբ և քոլեջի կանոնադրությամբ չարգելվող այլ գործունեությունից:
17. Ուսանողական խորհրդի նյութական և ֆինանսական միջոցները տնօրինում է ուսանողական խորհրդի նախագահը, կամ նրա կողմից լիազորված անձիք: Ֆինանսական ծախսերի մասին ուսանողական խորհրդի նախագահը հաշվետվություն է ներկայացնում ուսանողական խորհրդին կամ նախագահությանը:
18. Ուսանողական խորհուրդը լուծարվում է ՀՀ օրենսդրությամբ և քոլեջի կանոնադրությամբ սահմանված կարգով:

Կանոնադրության հավելված

Ուսանողական խորհրդի պատվավոր նախագահի մասին

Ուսանողական խորհուրդը իր կանոնադրության սույն հավելվածով սահմանված կարգով կարող է ունենալ պատվավոր նախագահ: Պատվավոր նախագահի կոչում շնորհվում է անհատի, որմ իր գործունեությամբ քոլեջի ուսանողության կյանքում և ուսանողական խորհրդի աշխատանքների կազմակերպման ասպարեզում հանդես է բերել զգալի ավանդ և ներդրումներ:

Պատվավոր նախագահն ընտրվում է ուսանողական խորհրդի նիստում, նախագահության կամ նվազագույնը 10 անդամների գրավոր առաջարկությամբ՝ ընդհանուր ձայների 2/3:

Պատվավոր նախագահը՝

- օժտված է ուսանողական խորհրդի անդամի սույն կանոնադրությամբ նախատեսված բոլոր իրավունքներով: Կարող է մասնակցել ուսանողական խորհրդի նախագահության և նյուս ստորաբաժանումների աշխատանքներին խորհրդակցական ձայնի իրավունքով.
- ուսանողական խորհրդի նախագահության և նյուս ստորաբաժանումների առջև կարող է հանդես գալ առաջարկներով և հարցադրումներով, որոնք ենթակա են պարտադիր քննարկման:
- մշտապես հետևում է ուսանողական խորհրդի աշխատանքային գործունեությանը, պարբերաբար հետաքրքրվում ընթացիկ աշխատանքների և ուսանողական խորհրդում տիրող վիճակի մասին.
- նախագահության համաձայնությամբ ներկայացնում է ուսանողական խորհուրդը քոլեջից դուրս փոխհարաբերություններում: